



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

I. De honore & cultu ecclesiarum Dei.

urn:nbn:de:hbz:466:1-15967

ANNO CHRISTI ergo necesse est, quam in illo tanto examine rationem
909. sumus reddituri, ne coram omni frequentia exercitus an-
gelici, coramque copiosa electorum multitudine, quod
abfit, reddamur aeternaliter confusi. Ergo considerantes
& expauescentes imminens nobis de multorum perditio-
ne periculum, congregati simul in nomine Dei omni-
potentis, per vnicum filium eius Dominum nostrum Ie-
sum Christum, in virtute sancti Spiritus consulamus no-
bis, & commisso nobis gregi, ac de statu sanctae ecclesiae
& regni, ac fidelitate regis nostri, sed & de statu mona-
steriorum, quorum antiquitus statutus ordo & religio
pene deletur, de rapinis quoque & sacrilegiis, nec non
de raptis & periuriis, ceterisque flagitiis, sententiam se-
cundum decreta sacrorum Canonum & decretorum epi-
scopalia proferamus. Et talia facientes, aut episcopali
ministerio, aut pastorali exhortatione, prouocemus
ad pœnitentiam & emendationem, aut impœnitentes,
& corrigi nolentes, gladio verbi Dei bis acuto eorum
corpora & animas concidamus, & aeterno illos anathe-
mate, hoc est alienatione a Christo & ecclesia, tam in
presenti, quam in futuro plectamus, nisi vel modo resipi-
scant a laqueis diaboli, a quo capti tenentur ad ipsius vol-
luntatem, & conuertantur ad Dominum viuum & ve-
rum per aliquam correctionem, & prout possibilitas tu-
lerit, congruam emendationem.

C A P I T V L A.

I.

Igitur decreuimus, vt cultus atque honor ecclesiarum Dei in omnibus & ab omnibus religiose custodiatur, & digna reuerentia immunitatibus earum ac ministris exhibeatur. Sed & regem ac principes condecet, vt priuilegia ex antiquo ecclesiis Dei concessa roborent, & stabiliter obseruari iubeant: & quemadmodum ab antecedentibus regibus honoratae, vel rebus ampliatae, seu ditatae fuerunt, ita de cetero sub omni integritate salua æquitatis ratione permaneant. Sacerdotes quoque, & serui vel ancillæ Dei, vigorem ecclesiasticum obtineant, eisque regalis potestas, & illustrium vi-

Concil.Tom.24.

Yyy

rorum strenuitas, seu reipublicæ administratores, vt suum ministerium digne exequi valeant, in omnibus rationabiliter & iuste concurrant. Si enim rex, & sæculi potestates, Dei & ecclesiæ honorem seruauerint, per hoc honor & potestas illorum augebitur, roborabitur, & stabilitur, & victoriae illis de celo ministrabuntur, & tam ipsi, quam successores eorum propter eos, in gloria & dignitate Deo propitio perdurabunt. Sin aliter egerint, & Deum contempserint, contemnet illos Deus, & despicabiles ac miseros reddet, & de solio regni exsuffabit, proiicienturque sicut puluis a facie terræ, iuxta quod in libro regum legimus de Achab, & ceteris regibus legis Dei transgressoribus, & sicut ad Heli principem gentis Hebræorum loquitur Dominus: *Quicumque, inquit, glorificauerit me, glorificabo eum: qui autem contemnunt me, erunt ignobiles.*

II.

Et quoniam a nobis ratio exigitur omnium, & principum, & subiectorum, ab eo qui sine acceptione iudicat personarum, & pro ipsis regibus regi regum sumus reddituri rationem, sermo exhortationis ad vestram, domine rex, nobis habendus est excellentiam. In quo facto pontificalem sic exerimus auctoritatem, vt non obliuiscamur regiam a Deo constitutam esse sublimitatem, dicente apostolo: *Subiecti estote regi, quasi præcellenti.* Sicut enim regalis potestas sacerdotali religioni se douote submittit: sic & sacerdotalis auctoritas cum omni pietatis officio se regali dignitati subdere debet, sicut sanctus ostendit papa Gelasius ad Anastasium scribens imperatorem: *Duo sunt, inquit, quibus principaliter mundus hic regitur, auctoritas sacra pontificum, & regalis potestas: in quibus tanto grauius est pondus sacerdotum, quanto etiam pro ipsis regibus in diuino reddituri sunt examine rationem,* &c. Ergo quia & rex pro æterna vita indiget pontificibus, & pontifices pro temporalium rerum cursu regali indigent dispositione; a rege obediendum est pontificibus recta, sancta, & iusta suadentibus, & vicissim a pontificibus obediendum est regi pietatis cultui religione, iure, & solatio seruienti. Hortamur igitur vestram, domine rex, excellentiam pietati & probitati sacris, veracibus, &

Gelasius
epist. 10.

1. Pet. 2.

1. Reg. 4.